

Programa ng Illinois sa Pagbabayad ng Upa [*Illinois Rental Payment Program*]

Mga Madalas na Katanungan para sa

MGA NANGUNGUPAHAN HULING BINAGO: 12/2/2021

Aplikasyon

1. Paano ako mag-a-apply para sa Programa ng Illinois sa Pagbabayad ng Upa?
2. Gaano katagal magbubukas ang portal ng aplikasyon?
3. Nakatanggap ako ng abiso na ang aking kasero [*landlord*] ay nagpasa ng aplikasyon ng Programa ng Illinois sa Pagbabayad ng Upa. Ano ang ibig sabihin nito?
4. Dapat bang kumpletuhin muna ng nangungupahan [*tenant*] o ng nagpapaupa [*landlord*] ang kanilang aplikasyon?
5. Maaari ko bang i-save ang aking kasalukuyang aplikasyon at tapusin ito sa ibang pagkakataon?
6. Paano kung ang aking kasero ay hindi gustong lumahok sa Programa ng Illinois sa Pagbabayad ng Upa?
7. Ano ang dapat kong gawin kung napagtanto kong nagkamali ako pagkatapos kong isumite ang aking aplikasyon?

Pangkalahatang-ideya ng Programa

8. Magkano ang tulong na matatanggap ng mga nangungupahan?
9. Paano ipapamahagi ang mga pondo ng Programa ng Illinois sa Pagbabayad ng Upa sa mga aprubadong aplikante?
10. Kailangan bang bayaran ng mga nangungupahan ang anumang pondo kung maaprubahan ang kanilang aplikasyon?
11. Magbabayad ba ang mga nangungupahan ng buwis sa mga pondo ng Programa ng Illinois sa Pagbabayad ng Upa kung maaprubahan ang kanilang aplikasyon?
12. Magbabayad ba ang Programa ng Illinois sa Pagbabayad ng Upa para sa mga utility?
13. Magbabayad ba ang Programa ng Illinois sa Pagbabayad ng Upa para sa mga gastos sa paglipat?
14. Mauubusan ba ng pondo ang Programa ng Illinois sa Pagbabayad ng Upa?
15. Bibigyan ba ng prayoridad ang anumang aplikasyon?
16. Mayroon bang tulong para sa mga taong nagmamay-ari ng kanilang tahanan?

Pagiging Kuwalipikado

17. Sino ang karapat-dapat na makatanggap ng tulong mula sa Programa ng Illinois sa Pagbabayad ng Upa?
18. Mayroon bang mga kinakailangan sa katayuan sa imigrasyon para sa tulong ng Programa ng Illinois sa Pagbabayad ng Upa?
19. Nakatanggap na ako ng pederal na pangkagipitang tulong sa pag-upa mula sa Programa ng Illinois sa Pagbabayad ng Upa o ibang entidad. Maaari ba akong mag-apply para sa karagdagang tulong?
20. Karapat-dapat bang mag-apply para sa Programa ng Illinois sa Pagbabayad ng Upa ang mga nangungupahan na naninirahan sa subsidized na pabahay o tumatanggap ng Section 8/Housing

Choice Voucher?

Mga Kinakailangang Dokumento

21. Anong dokumentasyon ang kailangang ibigay ng mga nangungupahan kapag nag-apply para sa Programa ng Illinois sa Pagbabayad ng Upa?
22. Anong impormasyon ang kailangan ng mga nangungupahan para mag-apply para sa Programa ng Illinois sa Pagbabayad ng Upa?
23. Kailangan ba ng mga nangungupahan ng kasunduan sa pag-upa [*lease*] para mag-apply?
24. Kailangan ba ng mga nangungupahan ng Social Security Number para makapag-apply?

Pagdaan sa Proseso ng Pagsusuri

25. Ano ang mangyayari pagkatapos kong makumpleto ang aking bahagi ng aplikasyon?
26. Ano ang proseso ng pagsusuri para sa mga nangungupahan na may mga kaserong [*landlord*] hindi tumutugon o hindi nakikipagtulungan?
27. Paano ko malalaman ang katayuan ng aking ipinasang aplikasyon?
28. Ano ang ibig sabihin ng iba't ibang mga katawagan sa katayuan ng aplikasyon?
29. Kailan ako aabisuhan kung ang aking aplikasyon ay naaprubahan para sa pagpopondo o itinuring na hindi karapat-dapat para sa pagpopondo?
30. Paano ako aabisuhan kung ang aking aplikasyon ay naaprubahan para sa pagpopondo o itinuring na hindi karapat-dapat para sa pagpopondo?

Karagdagang Impormasyon

31. Maaari ba akong mag-apply sa ibang mga programa sa pangkagipitang tulong sa pag-upa na inaalok ng aking lungsod o lalawigan [*county*]?
32. Maaari bang paalisin ang mga nangungupahan habang hinihintay ang mga pondong ito?
33. Saan ako makakahanap ng karagdagang tulong sa panahon ng pandemya ng COVID-19?
34. Kanino ako makikipag-ugnay para sa mga katanungan tungkol sa Programa ng Illinois sa Pagbabayad ng Upa?
35. Ano ang dapat kong gawin kung sa palagay ko ay may nagsusumite ng maling impormasyon sa IHDA kaugnay ng Programa ng Illinois sa Pagbabayad ng Upa?

Mga Madalas na Katanungan

Paunawa:

- *Ang impormasyong kasama sa dokumentong ito ay binabago nang regular kapag naaangkop.*

Aplikasyon

1. Paano ako mag-a-apply para sa Programa ng Illinois sa Pagbabayad ng Upa?

- Ang aplikasyon ng ILRPP ay isang magkasamang aplikasyon sa pagitan ng nangungupahan at ng nagpapaupa. Parehong maaaring kumpletuhin ng nangungupahan at nagpapaupa ang kanilang online na aplikasyon sa pamamagitan ng pagbisita sa www.IllinoisHousingHelp.org at pagkumpleto ng pre-eligibility questionnaire, paggawa ng ILRPP account, at pagbibigay ng mga kinakailangang impormasyon at dokumento. Hinihikayat ang mga aplikante na suriin ang mga pamantayan sa pagiging kuwalipikado at listahan ng mga kinakailangang dokumento na makukuha sa www.IllinoisHousingHelp.org bago simulan ang kanilang aplikasyon. Hindi kinakailangan para sa nangungupahan o ng nagpapaupa na kumpletuhin ang kanilang aplikasyon bago ang isa.
- Kapag kumpleto na, ang mga aplikasyon mula sa nangungupahan at nagpapaupa ay ipapares at susuriin para sa pagiging kuwalipikado. Makikipag-ugnayan sa inyo ang IHDA sa pamamagitan ng DoNotReplyILRPP2@ihda.org kung kinakailangan ng karagdagang impormasyon.
- Para sa mga nangungupahan o nagpapaupa na may mga hadlang sa pag-access sa online na aplikasyon, ang mga Tagapagbigay ng Housing Stability Service (HSS) ay nakahanda upang tumulong. Makipag-ugnayan sa ILRPP call center ng IHDA sa 1-866-IL-HELP1 (866-454-3571) para makakonekta sa isang available na tagapagbigay ng HSS o bisitahin ang www.IllinoisHousingHelp.org.

2. Gaano katagal magbubukas ang portal ng aplikasyon?

- Ang mga aplikasyon ay tatanggapin simula Lunes, Disyembre 6, 2021 hanggang Linggo, Enero 9, 2022 sa 11:59 ng gabi. Wala sa alinmang partido ang bibigyan ng karagdagang oras upang magpasa ng aplikasyon pagkatapos ng deadline na ito. Maaaring ipahayag sa 2022 ang mga karagdagang panahon ng aplikasyon. Pakitingnan ang www.IllinoisHousingHelp.org para sa mga anunsyo ng darating pang programa.

3. Nakatanggap ako ng abiso na ang aking kasero [landlord] ay nagpasa ng aplikasyon ng Programa ng Illinois sa Pagbabayad ng Upa. Ano ang ibig sabihin nito?

- Ang mga kasero ay maaaring magpasa ng contact information para sa kanilang mga nangungupahan sa kanilang aplikasyon sa ILRPP na gumagawa ng isang email na imbitasyon upang lumahok sa programa. Dapat sundin ng nangungupahan ang ibinigay na link, gumawa ng account, at ipasa ang kanilang aplikasyon gamit ang eksaktong address at unit number (kung naaangkop) na nakalista sa email. Kung mali ang address na nakalista sa email, mangyaring tumawag sa call center ng IHDA sa (866) 454-ILHELP 1 (866-454-3571).

4. Dapat bang kumpletuhin muna ng nangungupahan [tenant] o ng nagpapaupa [landlord] ang kanilang aplikasyon?

- Hindi kinakailangan para sa isang aplikasyon na makumpleto bago ang isa. Dapat maglaan ang nangungupahan at ang nagpapaupa ng kanilang oras upang kolektahin ang lahat ng mahalagang dokumentong kinakailangan at kumpletuhin ang kanilang aplikasyon sa o bago ang Enero 9, 2022 sa 11:59 ng gabi. Kung kukumpletuhin muna ng nangungupahan o ng nagpapaupa ang aplikasyon, ang kabilang partido ay makakatanggap ng email na imbitasyon upang lumikha ng ILRPP account at magpasa ng aplikasyon.

5. Maaari ko bang i-save ang aking kasalukuyang aplikasyon at tapusin ito sa ibang pagkakataon?

- Oo, ang pag-usad ng inyong aplikasyon ay mase-save sa tuwing i-click mo ang pindutang “Save and Next”. Kung kailangan mong ihinto at tapusin ang inyong aplikasyon sa ibang pagkakataon, maaari kang mag-log in sa inyong ILRPP account sa ilrpp2.ihda.org, tingnan ang dashboard ng inyong aplikasyon, at i-click ang “Resume” upang ipagpatuloy ang inyong aplikasyon mula sa huling na-save na bahagi.

6. Paano kung ang aking kasero ay hindi gustong lumahok sa Programa ng Illinois sa Pagbabayad ng Upa?

- Ang mga nangungupahan ay maaari pa ring maging karapat-dapat para sa tulong kung ang kanilang kasero ay hindi gustong lumahok sa programa o hindi tumutugon sa mga kahilingan ng IHDA na kumpletuhin ang kanilang aplikasyon. Dapat pa ring kumpletuhin ng mga nangungupahan ang kanilang aplikasyon at makipag-ugnayan sa isa sa mga Tagapagbigay ng Housing Stability Service na nakalista sa www.IllinoisHousingHelp.org para sa karagdagang mga tagubilin. [Pakitingnan ang tanong 26 para sa karagdagang impormasyon.](#)

7. Ano ang dapat kong gawin kung napagtanto kong nagkamali ako pagkatapos kong isumite ang aking aplikasyon?

- Mangyaring makipag-ugnayan sa call center ng Illinois Housing Development Authority sa 1-866-ILHELP-1 (1-866-454-3571) na may mga detalye sa mga pagwawasto na kailangan para sa inyong aplikasyon.

Pangkalahatang-ideya ng Programa

8. Magkano ang tulong na matatanggap ng mga nangungupahan?

- Ang mga nangungupahan ay karapat-dapat na makatanggap ng isang beses na pondo na hanggang \$25,000 na direktang babayaran sa kanilang kaserong sa ngalan nila. Gayunpaman, kung pipiliin ng nagpapaupa na hindi kumpletuhin ang kanilang aplikasyon, maaaring direktang tumanggap ng bayad ng ILRPP ang mga nangungupahan. Mag-iiba-iba ang mga halaga ng pondo at itutugma sa partikular na pangangailangan ng nangungupahan.
- Sasaklawin ng tulong ang hanggang 18 buwan ng mga pangkagipitang pagbabayad ng upa, kabilang ang hanggang 15 buwan ng hindi nabayarang bayad sa upa at hanggang tatlong buwan ng mga pagbabayad sa upa sa hinaharap. Ang renta na inutang mula Hunyo 2020 hanggang Abril 2022 ay maaaring bayaran gamit ang mga pondo ng ILRPP.
- Pakitandaan na ang mga sambahayan na nakatanggap ng pederal na tulong sa pag-upa ay hindi makakatanggap ng higit sa 18 buwan ng kabuuang tulong, anuman ang pinagmulan ng tulong na ibinigay. Bilang karagdagan, ang pinagsamang tulong na natanggap mula sa Programa ng Illinois sa Pagbabayad ng Upa ay hindi lalampas sa kabuuang \$25,000. Bilang wakas, ang mga sambahayan na nakatanggap ng pangkagipitang tulong sa pagbabayad ng upa ay hindi makakatanggap ng karagdagang mga pagbabayad sa ILRPP para sa mga parehong buwang iyon.

9. Paano ipapamahagi ang mga pondo ng Programa ng Illinois sa Pagbabayad ng Upa sa mga aprubadong aplikante?

- Kung maaaprubahan ang isang aplikasyon, ang IHDA ay maglalabas ng grant payment nang direkta sa nagpapaupa sa ngalan ng nangungupahan sa anyo ng isang tseke gamit ang impormasyon sa pagbabayad na ibinigay sa aplikasyon. Gayunpaman, kung pipiliin ng nagpapaupa na hindi kumpletuhin ang kanilang aplikasyon, ang mga nangungupahan ay direktang makakatanggap ng bayad ng ILRPP sa pamamagitan ng isang espesyal na proseso ng pagsusuri. Ang mga nangungupahan na may mga kaserong hindi tumutugon o hindi nakikipagtulungan ay tatawagan ng IHDA para sa karagdagang tagubilin.

10. Kailangan bang bayaran ng mga nangungupahan ang anumang pondo kung maaprubahan ang kanilang aplikasyon?

- Hindi, ang tulong ay isang kaloob.

11. Magbabayad ba ang mga nangungupahan ng buwis sa mga pondo ng Programa ng Illinois sa Pagbabayad ng Upa kung maaprubahan ang kanilang aplikasyon?

- Hindi, ang tulong ng ILRPP na iginawad sa mga nangungupahang sambahayan ay hindi itinuturing na kita para sa mga layunin ng pagbubuwis.

12. Magbabayad ba ang Programa ng Illinois sa Pagbabayad ng Upa para sa mga utility?

- Hindi, para makapagbigay ng tulong sa maraming mga sambahayan hangga't maaari, ang mga gawad ng ILRPP ay magbabayad lamang para sa mga bayad sa upa sa nakaraan o sa hinaharap. Kung kailangan ninyo ng tulong sa utility, mangyaring bisitahin ang www.IllinoisHousingHelp.org para sa karagdagang impormasyon at mga tagubilin para mag-apply para sa mga programa ng tulong sa utility.

13. Magbabayad ba ang Programa ng Illinois sa Pagbabayad ng Upa para sa mga gastos sa paglipat?

- Hindi. Kung kailangan ninyo ng tulong sa mga gastos sa paglipat, mangyaring tingnan ang www.IllinoisHousingHelp.org para sa mga karagdagang programa at suporta na inaalok ng Estado ng Illinois at ng mga kasosyo nito.

14. Mauubusan ba ng pondo ang Programa ng Illinois sa Pagbabayad ng Upa?

- Limitado ang pagpopondo para sa ILRPP at uunahin ng IHDA ang mga nangungupahang sambahayan na walang trabaho nang higit sa 90 araw at ang mga kumikita ng mas mababa sa 50% ng kanilang area median income. Maglalabas ang IHDA ng press release kapag naubos na ang pondo ng ILRPP.

15. Bibigyan ba ng prayoridad ang anumang aplikasyon?

- Ang mga tuntunin ng pederal ay nag-aatas sa IHDA na unahin ang mga aplikasyon mula sa mga nangungupahan na walang trabaho nang higit sa 90 araw at sa mga kumikita ng mas mababa sa 50% ng area median income. Inilalaan ng IHDA ang karapatan na higit pang bigyang-prayoridad ang mga aplikasyon upang matiyak na ang mga nangungupahan na may pinakamataas na panganib ng kawalang-tatag ng pabahay at kawalan ng tirahan ay isinasaalang-alang para sa tulong ng ILRPP.

16. Mayroon bang tulong para sa mga taong nagmamay-ari ng kanilang tahanan?

- Ang Programa ng Illinois sa Pagbabayad ng Upa ay available lamang sa mga nangungupahan. Ang IHDA ay mag-aalok ng isang programa ng tulong sa mortgage sa unang bahagi ng 2022. Ang karagdagang impormasyon na may kaugnayan sa programa ay makukuha sa mga darating na buwan sa www.IllinoisHousingHelp.org. Pansamantala, ang mga may-ari ng bahay ay hinihikayat na makipag-ugnayan sa kanilang mortgage servicer (ang ahensyang nagpapadala ng inyong mga mortgage statement) upang talakayin ang kanilang partikular na sitwasyon.

Pagiging Kuwalipikado

17. Sino ang karapat-dapat na makatanggap ng tulong mula sa Programa ng Illinois sa Pagbabayad ng Upa?

- Ang mga nangungupahan sa Illinois ay maaaring maging kuwalipikadong makatanggap ng tulong sa ILRPP kung:
 - Ang sambahayan ay nasa panganib na mawalan ng tirahan o kawalang-tatag ng pabahay (ibig sabihin, ang sambahayan ay nakatanggap ng abiso ng hindi nabayaranang upa o ng pagpapaalis).
 - Ang sambahayan ay nakatira sa Illinois at umuupa ng kanilang tahanan bilang kanilang pangunahing tirahan.
 - Ang sambahayan ay isang pamilyang may mababang kita (ibig sabihin, mga pamilyang ang mga kita ay hindi lalampas sa 80% ng median na kita para sa lugar, na iniakma para sa laki ng sambahayan, ayon sa tinutukoy ng HUD). Hanapin ang mga limitasyon sa kita ng inyong county [dito](#).
 - Ang isa o higit pang mga indibidwal sa loob ng sambahayan ay kuwalipikado para sa mga benepisyong kawalan ng trabaho o nakaranas ng pagbawas sa kita ng sambahayan, nagkaroon ng malaking gastos, o nakaranas ng iba pang kahirapan sa pananalapi sa panahon o dahil, direkta o hindi direkta, sa pandemya ng coronavirus.

18. Mayroon bang mga kinakailangan sa katayuan sa imigrasyon para sa tulong ng Programa ng Illinois sa Pagbabayad ng Upa?

- Wala, ang tulong ng ILRPP ay available sa lahat ng mga kuwalipikadong nangungupahan sa Illinois anuman ang katayuan sa imigrasyon. Ang tulong sa ILRPP ay hindi isang benepisyong “public charge.”

19. Nakatanggap na ako ng pederal na pangkagipitang tulong sa pag-upa mula sa Programa ng Illinois sa Pagbabayad ng Upa o ibang entidad. Maaari ba akong mag-apply para sa karagdagang tulong?

- Oo, ang mga nangungupahan ay maaaring mag-apply para sa karagdagang tulong mula sa ILRPP hangga’t ang kabuuang bilang ng mga buwan ng pederal na tulong sa pag-upa na inyong natanggap ay hindi lalampas sa limitasyon ng programa na 18 buwan, anuman ang pinagmulan ng tulong na ibinigay. Bilang karagdagan, ang pinagsamang tulong na natanggap mula sa Programa ng Illinois sa Pagbabayad ng Upa ay hindi maaaring lalampas sa kabuuang \$25,000 bawat sambahayan. Bilang wakas, ang mga sambahayan na nakatanggap ng pederal na tulong sa pag-upa ay hindi makatanggap ng karagdagang mga pagbabayad ng ILRPP para sa parehong mga buwan. Isasaayos ng IHDA ang halaga ng grant ng ILRPP sa mga sitwasyong ito upang maiwasan ang pagdoble ng tulong.

20. Karapat-dapat bang mag-apply para sa Programa ng Illinois sa Pagbabayad ng Upa ang mga nangungupahan na naninirahan sa subsidized na pabahay o tumatanggap ng Section 8/Housing Choice Voucher?

- Oo, ang mga nangungupahan na naninirahan sa pabahay na tinutustusan ng estado o ng pederal ay kuwalipikado na tumanggap ng tulong ng ILRPP upang masakop ang bahagi ng upa na binayaran ng nangungupahan. Hihilingin sa mga aplikante na magbigay sa kanilang aplikasyon ng patunay ng voucher at recertification ng kita. Kung ang paupahang unit ay bahagi ng isang tinutustusan na ari-arian, ang mga pondo ng ILRPP ay hindi maaaring gamitin sa mga gastos na naibalik o maibabalik pa lang sa ilalim ng anumang iba pang tulong na pederal. Kung ang sinuman sa sambahayan ay tumatanggap ng tulong sa pag-upa maliban sa grant ng ILRPP, ang grant ng ILRPP ay maaari lamang gamitin upang bayaran ang bahagi ng upa na binayaran ng nangungupahan na hindi pa binabayaran ng iba pang tulong sa pag-upa.
 - Halimbawa, kung ang upa ay \$1,000 at ang kontribusyon ng nangungupahan ay \$200 sa isang buwan na ang natitira ay sakop ng isang voucher o iba pang subsidy, ang nangungupahan ay kuwalipikado para sa \$200 na tulong ng ILRPP bawat buwan.

Mga Kinakailangang Dokumento

21. Anong dokumentasyon ang kailangang ibigay ng mga nangungupahan kapag nag-apply para sa Programa ng Illinois sa Pagbabayad ng Upa?

- Kakailanganin ng mga nangungupahan ang mga sumusunod na dokumento para makapag-apply:
 - Photo ID na bigay ng gobyerno anuman ang petsa ng pag-expire
 - Bill sa kuryente at tubig o patunay ng tirahan na ang nakalagay na petsa ay 90 araw bago ang aplikasyon (kung ang address sa inyong ID ay hindi ang inyong kasalukuyang tirahan)
 - Patunay ng kita ng sambahayan
 - Patunay ng hindi nabayaranang upa
 - Patunay ng pampublikong tulong (kung naaangkop)
 - Recertification ng kita (kung naaangkop)
- Ang listahan ng mga katanggap-tanggap na dokumento ay available [dito](#).

22. Anong impormasyon ang kailangan ng mga nangungupahan para mag-apply para sa Programa ng Illinois sa Pagbabayad ng Upa?

- Kakailanganin ng mga nangungupahan ang mga sumusunod na impormasyon para makapag-apply:
 - Wastong email address (dapat na na-aaccess sa buong proseso ng pagsusuri ng aplikasyon).
 - Wastong numero ng telepono
 - Buwanang upa at halagang hindi pa nabayaran
 - Lahat ng mga kinakailangang dokumento na nakalista sa tanong 21

23. Kailangan ba ng mga nangungupahan ng kasunduan sa pag-upa *[lease]* para mag-apply?

- Ang kasero [*landlord*] ay dapat magbigay sa kanilang aplikasyon ng kasalukuyang kasunduan sa pag-upa kung ito ay available. Kung ang kasalukuyang kasunduan sa pag-upa ay hindi available, pinapayagan pa ring mag-apply ang mga nangungupahan at mga kasero.

24. Kailangan ba ng mga nangungupahan ng Social Security Number para makapag-apply?

- Hindi, ang Social Security Number (SSN) o Individual Taxpayer ID Number (ITIN) ay hindi kinakailangan para sa mga nangungupahan.

Pagdaan sa Proseso ng Pagsusuri

25. Ano ang mangyayari pagkatapos kong makumpleto ang aking bahagi ng aplikasyon?

- Pagkatapos makumpleto ng nangungupahan [*tenant*] ang kanilang aplikasyon, itutugma ito sa kaukulang aplikasyon ng kanilang kasero [*landlord*], kung ito ay naipasa na, at maituturing na karapat-dapat para sa pagsusuri. Kung hindi pa nakumpleto ng kasero ang kanilang aplikasyon, makakatanggap sila ng abiso na nag-iimbita sa kanila na lumikha ng ILRPP account at mag-apply. Maaaring tingnan ng mga nangungupahan kung nakumpleto na ng kanilang kasero ang kanilang aplikasyon sa pamamagitan ng pag-log in sa kanilang ILRPP account sa ilrpp2.ihda.org at pagtingin sa kanilang status sa dashboard ng aplikasyon.
- Kung kailangan ng karagdagang impormasyon, makikipag-ugnayan sa inyo ang IHDA sa pamamagitan ng DoNotReplyILRPP2@ihda.org na may mga karagdagang tagubilin.
- Kung hindi nakumpleto ng kasero ang kanilang bahagi ng aplikasyon, ituturing silang hindi tumutugon at ang aplikasyon ng nangungupahan ay dadaan sa isang hiwalay na proseso ng pagsusuri. Ang mga nangungupahan ay maaaring direktang makatanggap ng mga pondo ng ILRPP at makikipag-ugnayan sa kanila ang IHDA para sa karagdagang mga tagubilin.

26. Ano ang proseso ng pagsusuri para sa mga nangungupahan na may mga kaserong [*landlord*] hindi tumutugon o hindi nakikipagtulungan?

- Ang mga nangungupahan na may mga kaserong hindi tumutugon at/o hindi nakikipagtulungan ay kinakailangang dumalo sa isang sesyon ng rental counseling na ibinigay ng IHDA o ng isa sa aming mga kasosyo sa HSS. Kapag nakumpleto na, ibibigay ang mga karagdagang tagubilin.

27. Paano ko malalaman ang katayuan ng aking ipinasang aplikasyon?

- Maaaring tingnan ng mga aplikante ang katayuan ng kanilang aplikasyon sa pamamagitan ng pag-log in sa kanilang ILRPP account sa ilrpp2.ihda.org. Ililista ang inyong status sa dashboard ng

inyong aplikasyon. Mangyaring tandaan na ang mga update sa katayuan ng aplikasyon ay hindi magiging available kaagad.

28. Ano ang ibig sabihin ng iba't ibang mga katawagan sa katayuan ng aplikasyon?

- Makikita ninyo itong iba't ibang katawagan sa katayuan sa panahon ng proseso:
 - **Ipinasa Naghihintay para sa Katugma [Submitted Waiting for Match]**: Ang aplikasyon ay naghihintay na maitugma sa kaukulang aplikasyon para sa pagsusuri.
 - **Handa para sa Pagsusuri [Ready for Review]**: Ang aplikasyon ay kumpleto at handa na para sa pagsusuri.
 - **Nasa Pagsusuri [In Review]**: Ang aplikasyon kasalukuyang sinusuri.
 - **Nangangailangan ng Karagdagang Impormasyon [Needs More Info]**: Kailangan pa ng karagdagang impormasyon. Pakigamit ang ADD DOCUMENT na pindutan para i-upload ang mga hiniling na dokumento.
 - **Handa para sa Pagsusuri ng Supervisor [Ready for Supervisor Review]**: Na-flag ang aplikasyon para sa karagdagang pagsusuri.
 - **Nasa Huling Pagsusuri [In Final Review]**: Ang aplikasyon ay nasa ilalim ng huling pagsusuri.
 - **Nasa QC [In QC]**: Ang aplikasyon ay napili para sa espesyal na pagsusuri.
 - **Aprobado [Approved]**: Ang aplikasyon ay naaprubahan para sa pagpopondo.
 - **Tinanggihan [Rejected]**: Ang aplikasyon ay hindi karapat-dapat para sa pagpopondo.
 - **Ang Aplikasyon ay Sinusuri – 1 [App Under Review – 1]**: Na-flag ang aplikasyon para sa karagdagang pagsusuri.
 - **Ang Aplikasyon ay Sinusuri – 2 [App Under Review – 2]**: Na-flag ang aplikasyon para sa posibleng pagiging duplikado.
 - **Duplikadong Aplikasyon [Duplicate Application]**: Napag-alamang duplikado ang application.

29. Kailan ako aabisuhan kung ang aking aplikasyon ay naaprubahan para sa pagpopondo o itinuring na hindi karapat-dapat para sa pagpopondo?

- Ang mga pagsusuri at pagbabayad ng mga aprubadong aplikasyon ay magsisimula sa Disyembre 2021. Pakitingnan ang inyong ILRPP account sa ilrpp2.ihda.org para sa mga update sa katayuan ng aplikasyon.

30. Paano ako aabisuhan kung ang aking aplikasyon ay naaprubahan para sa pagpopondo o itinuring na hindi karapat-dapat para sa pagpopondo?

- Ang lahat ng mga komunikasyon sa programa ay ipapadala sa mga email address na ibinigay sa aplikasyon. Mangyaring tiyakin na mapapanatili ninyo ang pag-access sa mga email account na nauugnay sa aplikasyon sa buong proseso ng pagsusuri at pag-apruba.

Karagdagang Impormasyon

31. Maaari ba akong mag-apply sa ibang mga programa sa pangkagipitang tulong sa pag-upa na inaalok ng aking lungsod o lalawigan [county]?

- Oo. Gayunpaman, ang mga nangungupahan ay hindi makakatanggap ng tulong sa pag-upa mula sa higit sa isang mapagkukunan para sa parehong mga buwan. Ipinagbabawal ang pagdodoble ng mga benepisyo at isasaayos ng IHDA ang halaga ng grant ng ILRPP kung kinakailangan upang maiwasan ang dobleng pagbabayad ng mga pondo.

32. Maaari bang paalisin ang mga nangungupahan habang hinihintay ang mga pondong ito?

- Ang mga pondong gawad ng ILRPP ay binabayaran sa kasero sa ngalan ng nangungupahan. Dapat sumang-ayon ang mga kasero na huwag paalisin ang kanilang nangungupahan para sa upa na hindi binayaran sa panahong saklaw ng programa bilang isang kondisyon ng pagtanggap ng pondo ng ILRPP. Kasama sa panahong saklaw ng programa ang lahat ng mga buwan kung saan natanggap ang bayad ng ILRPP para sa utang sa pag-upa gayundin ang mga darating na buwan na sakop ng mga pre-payment ng ILRPP. Kung ang paglilitis sa pagpapaalis ay sinimulan, dapat itong ihinto upang ang aplikasyon ng ILRPP ay maisaalang-alang para sa pagbabayad. Kung pinaalis ng kasero ang kanilang nangungupahan, hindi na sila karapat-dapat na tumanggap ng tulong ng ILRPP sa ngalan ng nangungupahan na iyon.
- Kung ang isang nangungupahan ay naaprubahan para sa pagpopondo ng ILRPP at ang kanilang kasero ay hindi huminto sa proseso ng pagpapaalis, dapat silang magbigay ng katibayan ng pag-apruba ng grant ng ILRPP upang ito ay maisaalang-alang ng korte sa panahon ng paglilitis.
- Ang mga nangungupahan na kasalukuyang nasa paglilitis ng korte sa pagpapaalis ay hinihikayat na mag-apply para sa pinabilis na tulong sa pamamagitan ng [Illinois Court-Based Rental Assistance Program](#).

33. Saan ako makakahanap ng karagdagang tulong sa panahon ng pandemya ng COVID-19?

- Ang mga nangungupahan na nahaharap sa karagdagang pang-ekonomiya o panlipunang mga hamon ay dapat bumisita sa www.IllinoisHousingHelp.org para sa impormasyon sa mga programang inaalok ng Illinois Department of Human Services, ng Illinois Department of Commerce & Economic Opportunity, at iba pang mga kasosyo na nagtatrabaho upang tulungan ang mga taong nakakaranas ng kawalan ng seguridad sa pagkain, may mga alalahanin sa kalusugan ng isip o pisikal, mga alalahanin sa paggamit ng droga, labis na utang, mga hamong pang-legal, mga hamon sa imigrasyon, pagkakasangkot sa hustisya, at karahasan sa tahanan.

34. Kanino ako makikipag-ugnay para sa mga katanungan tungkol sa Programa ng Illinois sa Pagbabayad ng Upa?

- Kung kayo ay mayroong mga katanungan o kung kayo ay hindi sigurado tungkol sa anumang bagay hinggil sa inyong aplikasyon, mangyaring sumangguni sa listahan ng mga Tagapagbigay ng Housing Stability Service na nakahandang tumulong sa www.IllinoisHousingHelp.org. Para sa karagdagang tulong, makipag-ugnayan sa Illinois Housing Development Authority sa 1-866-ILHELP-1 (1-866-454-3571) o Questions.ILRPP@ihda.org.

35. Ano ang dapat kong gawin kung sa palagay ko ay may nagsusumite ng maling impormasyon sa IHDA kaugnay ng Programa ng Illinois sa Pagbabayad ng Upa?

- Sineseryoso ng IHDA ang lahat ng paratang ng pandaraya. Kung kayo ay mayroong dahilan upang maniwala na ang isang tao ay nagbibigay ng mapanlinlang na impormasyon sa pagtatangkang makakuha ng pangkagipitang tulong sa pag-upa, mangyaring bisitahin ang pahina ng “Report Fraud” ng www.IllinoisHousingHelp.org at magbigay ng mas maraming detalye hangga’t maaari upang ito ay maimbestigahan kaagad ng IHDA. Bilang kahalili, ang mga indibiduwal ay maaaring magsampa ng reklamo online sa [Office of the Executive Inspector General](#).